

獻縣志

重修獻縣志序

今受百里之寄必周知其土地人民之數山川原隰高下之宜鄉里寬狹之制古今盛衰登耗之故風氣剛柔奢儉貞淫之辨禮尚之殊賢人君子嘉言懿行與稽與厝之藉前政得失緩急設施之方而

序

後可舉其偏而脩其墜因其故以作其新此固在有心民治者目窺而耳聽口咨而心謀而彰往古以察來今必於志乎取之志之關於治也若是是烏可不切求而亟講也已卯冬予來獻邑甫蒞任即披讀故志病其簡陋遂詳

於古而略於今又斷自康熙十三年以前閱八九十年不瀆續次每有事漫不可徵據則令吏檢故牘又或多散缺不能盡舉予滋病焉志脩之以初受事簿領填委奉檄奔走在外既歸而訟獄積未判以數十百計日庭坐剖決之

序

二

越月乃得爬梳畧盡則又當農田時單騎巡行原野相視濔沲河流進諸父老詢以宣洩之方物土之宜與一切利病隱而未察者其年麥有收秋又大稔刑罰催科之事稍稍省辦乃與學博李君牧暨諸鄉耆議志之簡述

期不謬於聖人則予與侍御
寔共任之書成為卷二十綱
十二目八十五歷一寒暑而
開雕工竣邑人踴躍勲事善
均有不可沒者夫志之脩治
之準也予待罪於茲兩年矣
勸課之大朴罰之細雖不敢
不盡心而地衝事劇竭蹶於



序

四

期會往來文教多有未遑是
書成所謂舉偏修墜因故以
作新者將謀次第敷布之則
是書也固予治政得失之鏡
也豈徒彋彋焉為茲邑脩明
典物云爾哉是為序
乾隆二十有六年歲次辛巳
孟秋南昌萬廷蘭書

序

五



徵修邑志榜文

萬廷蘭

爲重修邑志事照得崑崙不鑿誰傳金石之文
宛委難登孰辨玉銀之字秀啟東西之府赤簡
猶存華披大小之山黃圖儼在臚見聞於一代
國有傳書衍宗派於千年家藏誌乘金鼓竹冊
連篇芸閣之奇觀怪牒幽經充棟各山之別錄
而況都城鉅邑素稱文獻名區

畿輔雄邦允號人材淵藪前此編蒲截竹曾教赤
鳥銜來今茲斷簡殘篇幾被白魚吞去景龍四
庫疑闕三門壯武甘車削存十卷允宜纂修大

獻縣志

榜文

備所當考訂加詳獻邑西麓太行東濱滄海七
星分野遙參畢昴之區三面距河近枕滹沱之
側龍駒北壘田廬遍四十八鄉馬頰高門生齒
布二十七里泉深木茂萬春之桃李皆春野潤
疇平樂壽之川岩並壽粵自漢王剖竹人沾禮
樂之施再稽唐令飛鳧戶戴桑麻之澤毛博士
馨香俎豆望重醇儒張戶曹涕淚衣冠名高
吏灰中覓字雲連萬軸琳瑯國外懸金香霽干
稍縹帙日華宮書聲宛在豹隱南山成趣園墨
寶常留龍騰北斗俗敦孝弟良由聲教宏敷戶

說詩書佇見人文蔚起明經對策冠賢良方正
之科太學修文闡論語春秋之義邢司空折衝
五載信著戎川王常侍獻馘三秋功銘突厥八
千屯勁旅河中傳巡社之書百里慶安瀾海上
有勸農之使青雲闕下父子連登丹鳳池邊弟
兄齊步牛僉事身經二十九戰恩褒建禮螭頭
戈御史手書一十萬言疏抗甘泉豹尾簪纓世
胄旣僂指而難窮江漢宏才亦更僕而未罄而
且墓門枕塊勿來雷雨之迷寒谷吞水足感魚
龍之泣貞心映月光沉合浦之聯珠芳骨徹天

秀產荆山之合璧展孝思於不匱著美丹書嘉
幽魄兮將來流徽彤管至若封臺延秀神傳薇
蕨之歌石匣含精草瘞麒麟之塚登樂陵而舒
嘯碧管雲生過中水以流連綠沉苔臥仰禪臺
之壯麗須知石佛無心瞻古廟之巍巍猶識將
軍善飯獻陵春曉紛披萬樹桃花野寺鐘殘澹
蕩一林秋色哲人已往振古如新勝地常存至
今不改編年紀月經兩賢著作之才別類分門
備一邑叅稽之譜然而流傳旣久未免魯魚膏
虎之訛兼之剝蝕頻侵益滋雉雨別風之所激

逢

皇心慕典

聖治崇文

九重之翰藻方隆四海之文明聿起神魚出水赤文
綠字之祥白馬浮河玉檢金泥之瑞本縣符分
半載搜訪維設匏繫一官考稽特切才同襪線
何知四患之條技止雕蟲罔識五難之數謹蠲
佳日用緝成書欲廣傳聞先期普告爲此仰闔
邑士民知悉或廬居不廓十萬家烟火堪誇陵
谷幾遷數十載山川互異烏頭卓立用旌誰氏
之門虹影長垂待濟何方之渡表揚偉烈鬚眉
爭日月之光闡發幽貞巾幗挺松筠之操文通
武達

恩綸特降鸞章子繼孫繩

寵錫式歌燕翼孤鐙旅館曾停過客之車杯酒吟壇
堪列騷人之座他若材非異產何嫌爾雅書名
總教事卽無徵聊附齊諧誌性縷陳條目未盡
周詳各就見聞悉爲呈報

原序一

邑令 張汝蘊 章印

古者列國皆有史以紀時事自郡縣制興而列國之史廢矣史廢而志作志亦紀事也而不止於時事上而天文下而地理中而人事靡不備具視史則加詳矣我皇明監古立極一統有志一省通志至於一郡一邑亦必有志焉者均之爲史也顧志天下者畧於省志一省者畧於郡志一郡者畧於州縣其體則然而勢亦不得不然也夫自郡以上漸不及詳而縣苟無志則所謂天文地理人事之在一方者將何所藉以傳

獻縣志

原序

一

志之不可已也如此夫獻自漢初立國以至於今上下千百餘歲其間雖分併不一固未嘗虛其地而無人以宰之而獨於其所謂志者闕焉無乃守土者之過與余庚辰筮仕東安嘗有是舉方議開局竟以調繁寢其事此心至今歉然旣抵獻首進諸生父老問以邦之故僉以無志對余喟然嘆曰邑無志猶之國無史也彰往詔來莫從與稽是尚可以爲邑乎余撫今感昔因有纂修之志時值鄉會供事文武塲兼以案牘冗瑣未果越乙酉春余政績暇士民亦既相信

志可以修矣乃謀諸學諭李君汝桂曰志之關
於治也大矣一志之闕詎止一政之未舉哉吾
謬司政教於茲將復誰譏乎子博古人也吾與
子共成之李君唯唯而退乃詢諸故老得漫藁
者二余覽之率多繁瑣且俚而不經余恐無當
於義也乃發其凡例定以程式李君受焉乃按
郡志參以舊本舛譌者正繁穢者刪疑似者辨
分門別類釐爲八卷不三日而草具矣草具則
有規可循也余然後因其故實附以己意遺則
補之偏則正之質則文之名勝而實亡者弗敢

獻縣志

原序

二

述懼誣也實勝而名字者弗敢遺懼湮也敲字
斲句勞心焦思再闕浹旬而志始告竣其意不
過紀一邑之事以詳郡志之畧耳由之稽其星
野之次而天文明矣由之知其水土之宜而地
理審矣由之歷乎古今世變之相推而人事周
矣其於治體民風大有裨益而豈徒爲無用之
空言哉志成以示鄉大夫士僉曰其文直其事
覈辯而不穢信而足徵可以言志矣吾邑賴以
不朽者其在茲乎胥勸授梓以傳吾聞之也舊
令尹之政必以告新令尹君子謂其爲忠然以

言告者言盡則窮孰若以此志相告永世無窮
而其忠爲尤大乎獨慮無以窺述作之門而備
同一之制所望後之我忠者徐增而嗣飾之固
不敢視爲一家之私書也是役也讐校則學訓
白若水氏督工則縣丞初永清氏典史樊邦文
氏而錢梓諸費則余捐俸爲之而它人弗與焉
萬歷十三年乙酉七月

原序二

邑令 劉徵廉 泰和

河間古郡漢藩舊邸星正天街地連

畿輔徵廉奉

獻縣志

原序

三

命來宰是邦邑號衝疲才慚疎鄙惟是民生風俗時
縈於懷曰安得見古休風使政通民和以慰余
綏理也間嘗搜圖籍簡遺編覽其山川人物典
則文章尚悠然想見漢獻王詩書禮教之意然
上下古今感慨生焉蓋獻之爲獻者極難爾獻
地磽瘠較諸邑爲甚且多斥鹵春夏之交甘澤
稍遲則苦旱乾霖霖晷溼則稱水溢歲一不登
民輕犯法而易去其鄉追呼綦難教化莫施水
旱盜賊恒相表裏而且皇華之供億難支賓旅
之往來無時萑苻不戢盜擾民而業廢滋訟

徒不戒奸侮法而引課是慮令嚴緝逃俗多健
訟叢此諸艱以集於一人之身守是邑者日惟
引罪捄過之不暇而所謂憑弔往古點綴太平
之盛事若在所緩非敢緩也艱大集躬安能先
此而置諸重務也壬子秋奉上檄取獻志且令
重修粵稽獻舊無志始於明萬歷乙酉年間前
令張公汝蘊集而成編其紀載亦於是止焉向
遭兵燹版籍無存購得舊志一部仍其前例彙
錄後事續而成書余且詳加校讐訂訛正謬刪
疑傳信闕兩秋乃定僉曰志者邑之史也然非

獻縣志

原序

四

史之例也蓋史者以正一代之是非故尚德必
書賤而尸位則黜貴志者記也所以記一邑之
事蹟備後人稽考採擇焉上下二千數百年以
來其間之文獻旣缺故老無稽其地與人湮沒
而而不傳者亦何可勝道今遭逢

聖明散逸重新幽遠獲錄亦茲地之幸焉况獻之山
川土田如故也其宮室有變易矣市集有盛衰
矣丁徭有聚散矣食貨有消長矣秩官如傳舍
矣安能一一仍還舊觀獨賴地之秀靈流為俊
彥名臣正色以立

勸多士藝聲而拔藻民亦稍康俗漸歸厚以庶幾
往代之休美然而覽茲林總曰是

朝廷之生齒也何以不有康食不廵率典也欲厚
其生何途之從也撫茲流俗曰是教育之嘉師
也何以佩犢帶牛漸非古訓也欲正其德何術
之操也則又手是書而祝曰願得兩岐九穗以
大有書年願得犢卧厯閒以昇平起咏願得多
士作

王國之楨烝民有含哺之樂以邳隆觀成陳之
廟堂可以考績載之簡冊可以紀盛固守令之所

獻縣志

原序

五

樂而不知致此以何道也長此將何極也夫創
始者必念其終而善後者取法於前余亦何以
綏柔此獻俾各寧爾止以沐浴

聖化乎是役也督集工料則縣尉崔芳博採聞見則
司訓鄭大綱拔貢高一鳴生員彭毓宗高程高
曠張廷翼等共勦事有勞焉例得並書

康熙十二年癸丑夏六月

原序三

邑令

吳龍見 武進

志始於班掾蓋史體也古者列國皆有史自秦
改置郡縣而郡縣之志由此始矣昔司馬遷作

史記以紀傳表分體別爲八書班固易書爲志後世因之以紀時政實兼傳表之體焉故自星野沿革以迄祥異物產之類莫不挈其綱領析其條目是史之所不及收者志則博稽而詳核之固政體之所繫也獻本州治前明洪武年間始改爲縣舊志不可考明萬歷乙酉張公汝蘊初輯成編我

朝康熙十二年癸丑劉公徵廉續修迄今七十有五年矣計七十餘年以來城郭之廢興河渠之遷徙戶口貢賦之增減俸工驛站之歸併裁復

獻縣志

原序

六

循吏名賢節義人文之後先媲美載筆闕如豈前此守土者之史才歟將地處衝劇兼三長而未暇一爲論次歟抑爲政日淺有志焉而未之逮也龍見宰武強一年調蒞茲土下車伊始取舊志讀之慨然於所編之殘缺失次焉緣新任事案牘紛如差使絡繹未遑授簡歲閱兩期諸務就緒爰與教諭鮑君梓等謀重修心哀集文冊廣詢故老蕪者刪之遺者補之外僞者釐正之典則者附益之志仍八卷之舊而事類則多所更定凡澁句而草成雖未及斟酌完善而歷

欽政治之張弛數十年事蹟靡不粗舉矣夫處
銜劇而求閒暇不可得也於夙夜勤勵之中偶
得寸晷展卷則亦可以集事方今

聖天子重道崇聖申命東巡獻邑地處至衝爲

畿輿幸魯必經之地道路橋梁亟需整飭自秋冬
以來文移交馳冠蓋相屬於道是豈守土者握
管時耶然知而弗爲爲而弗就脫遂巡數年一
旦謝篆以去不將與曩者諸令同類而共譏與
故寧使後之君子罪新志之弗備弗善而不欲
使七十五年之綱紀由是而無傳則俗吏之責

獻縣志

原序

七

庶幾藉是而暫釋矣乎屬稿既定質之鮑君與
訓導韓君璋及鄉大夫士輩僉云令爲政二年
於茲毅然以修志自任其文則省於舊其事則
增於前視張劉二公何多讓焉龍見謝不敢當
曰此特舉其畧耳他日者政務稍暇復加增訂
以授劊劊氏可也且夫獻自賢王以來稽古好
文毛貫之經術席穆之節義流風未墜代有傳
人後之作者嗣是而潤飾之當不徒爲一邑之
乘也郡存其槩省舉其要彙而上之以成
盛世一道同風之盛將志也而進乎史矣

乾隆十二年丁卯十二月

獻縣志

原序

八